

## HILLS-JOHNES, Syr JAMES (1833 - 1919), cadfridog

**Enw:** James Hills-johnes  
**Dyddiad geni:** 1833  
**Dyddiad marw:** 1919  
**Priod:** Elizabeth Hills (née Johnes)  
**Rhiant:** Charlotte Hills (née Savi)  
**Rhiant:** James Hills  
**Rhyw:** Gwryw  
**Galwedigaeth:** cadfridog  
**Maes gweithgaredd:** Milwrol  
**Awdur:** Herbert John Lloyd-Johnes

Ganwyd 20 Awst 1833, mab James Hills, Neechindipore, Bengal, India, a Charlotte, merch Angelo Savi.

Cafodd James Hills ei addysg yn Edinburgh Academy ac Addiscombe. Ymunodd â'r Bengal Artillery, 1853, a bu'n ymladd yn yr Indian Mutiny, 1857-8; cafodd y Victoria Cross am iddo achub y gynau mawr a'r dynion a oedd dan ei ofal adeg y gwarchae ar Delhi. Bu'n yr ymladd yn Abyssinia, 1867-8, a Lushai, 1871-2, a chafodd ei wneuthur yn C.B.; bu hefyd yn yr ymladd yn Afghanistan, 1878-80. Dewiswyd ef yn llywiawdr milwrol y Kabul, a dyrchafwyd ef (1881) yn K.C.B., ac yn G.C.B. yn 1893.

Priododd, 1882, Elizabeth, merch a chydaeres [John Johnes](#), Dolaucothi, Sir Gaerfyrddin; yn 1883, gyda chaniatâd brenhinol, ychwanegodd Johnes at ei gyfenw a chymerth arfau teulu Johnes hefyd. Yr oedd yn gyrrnol (anrhydeddus) 4ydd bataliwn y gatrawd Gymreig ('The Welch Regiment'), yn ustus heddwch ac yn ddirprwy-raglaw yn Sir Gaerfyrddin, bu'n siryf y sir honno yn 1886, a chafodd ryddfreniad ('er anrhydedd') tref Caeryrdin yn 1910. Bu'n drysorydd Coleg y Brifysgol, Aberystwyth, 1898-1919, a rhoddwyd iddo radd LL.D. ('er anrhydedd') gan Brifysgol Cymru yn 1917. Bu farw 3 Ionawr 1919.

### Awdur

Major Herbert John Lloyd-Johnes, (1900 - 1983)

### Ffynonellau

*State Papers*, 1857

*Burke's Landed Gentry*

gwybodaeth bersonol

### Delweddau

LIGC: [Sir James Hills Johnes with family](#)

LIGC: [Sir James Hills Johnes and Lord Roberts](#)

LIGC: [Sir James Hills Johnes with Lady Hills Johnes and Col Roberts](#)

## Dolenni Ychwanegol

VIAF: [39164247](#)

Wikidata: [Q6136067](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

